



Societed Amihs dal Chalandamarz

Statüts da la societad

La societad **Amihs dal Chalandamarz** → **Amias ed Amihs dal Chalandamarz da S-chanf** cun sez a S-chanf

1. Nom e sez

„Amihs dal Chalandamarz“ (→vair sur) es üna societad confuorm a l'artichel 60 ss. CCS (ZGB) cun sez a S-chanf

2. Mira:

La societad ho in mira da mantgnair e da güder activmaing ad organiser e realiser l'üsaunza da prümavaira Chalandamarz *da S-chanf*.

3. Mezs:

Per raggiundscher ils böts da la societad dispuona quella da las contribuziuns dals commembers e da las commembras. Quista contribuziun vain fixeda minch'an da la radunanza da commembers.

Import impü:

Las entredgias da l'ustaria al ballin (saireda da sot e saireda finela dals iffaunts)

✚ Limitaziun da l'import da commembranza:

Vain fixo a la radunanza generela.

✚ Donaziuns, regals da tuot gener paun gnir piglios in consegna.

4. Commembranza:

Commember activ cun dret da vuscher po dvanter mincha persuna natürela e giuridica chi ho interess da mantgnair il Chalandamarz a S-chanf.

Commember passiv sainza dret da vuscher po dvanter mincha persuna natürela e giuridica.

Dumandas d'admissiun sun da drizzer al president/ a la presidenta; la suprastanza decida davart l'admissiun.

5. Annullaziun da la commembranza

La commembranza vain annulleda

✚ tar persunas natürelas causa sortida, exclusiun u mort

✚ tar persunas giuridicas causa sortida, exclusiun u schoglimaint

6. Sortida ed exclusiun:

Da sortir da la societed es pussibel adüna per la fin dal mais. La demischiun ho da gnir tramissa inscitta al president / a la presidenta almain quatter eivnas aunz la radunanza generela. Ün commember po gnir exclus da la societed d'ün mumaint a l'oter sainza cha'l motiv vegna numno. La suprastanza decida davart l'exclusiun; il commember po recuorrer cunter quista decisiun a la radunanza generela.

7. Organs da la societed:

Ils organs da la societed sun:

- a) la radunanza generela
- b) la suprastanza
- c) ils revisuors da quint

8. La radunanza generela:

L'organ superiur da la societed es la radunanza generela. Üna radunanza generela ordinaria ho lö minch'an als 1. marz. Ils commembers vegnan invidos in scrit per e-mail trais eivnas aunz la radunanza. Agiunt a l'invid es la glista da tractandas.

La radunanza generela ho las seguintas tractandas obligatorias:

- a) Tscherner resp. brich reeler la suprastanza ed ils revisuors da quint.
- b) Fixer e modificher ils statüts.
- c) Appruver il *quint annuel* e'l rapport dals revisuors.
- d) Decider davart il büdschet annuel.
- e) Fixer la contribuziun da commembranza.
- f) Tratter ils recuors d'exclusiun

A la radunanza generela ho mincha commember activ üna vusch; la decisiun succeda cun magiurited simpla. Commembers passivs vegnan invidos a la radunanza generela, nun haun però il dret da vuscher.

9. La suprastanza:

La suprastanza as cumpuona d'almain 5 persunas:

- ✚ il president/la presidenta,
- ✚ il vicepresidente/la vicepresidenta,
- ✚ ün commember/üna commembra da la scoula / l'actuar/a
- ✚ chaschier/a ed
- ✚ ün assessur/ün'assessura.

La suprastanza rapreschainta la societed vers l'exteriur e maina ils affers curraints.

10. Ils revisuors:

La radunanza generela tscherna minch'an a duos revisuors/revisuras da quint, chi controllan la contabiled e chi faun almain üna vouta l'an üna prouva da controlla.

11. Suottascripziun:

La suottascripziun leghela haun il president/la presidenta u il vicepresidente/da la vicepresidente insembel cun ün terz commember da la supranza.

12. Garanzia:

Per las passivas / ils debits sto bun be la faculted da la societad. Üna garanzia persunela dals commembers es esclusa.

13. Müdamaint da statüts:

Ils statüts preschaints paun gnir müdos cul consentimaint da la magiurited da la radunanza generela (voul dir scha trais quarts dals commembers preschaints acceptan la proposta da müdamaint).

14. Schoglimaint da la societad:

La societad po gnir scholta da la radunanza generela, scha trais quarts da tuot ils commembers sun preschaints.

Scha sun preschaints pü pochs cu trais quarts dals commembers a la radunanza generela, es da fer üna segunda radunanza infra ün mais. A quista segunda radunanza po la societad gnir scholta cun magiurited simpla, eir scha sun preschaints pü pochs cu trais quarts dals commembers.

Scha la societad vain scholta, vo la faculted da la societad ad ün'instituziun, chi persequitescha la listessa mira u üna mira sumgianta.

15. Entreda in vigur:

01. marz 2018

Quists statüts sun gnies acceptos a la radunanza da fundaziun da gövgia, ils 1. marz 2018 e sun entros in vigur cun quista data.

Il president: Arno Parli



L'actuara: Brigitte Brunies



Lö / Data:

S-chanf / 01.03.2018

Müdamaints decis als: